



UNIVERSITÄTS-
BIBLIOTHEK
PADERBORN

Universitätsbibliothek Paderborn

Fasti Mariani

**Brunner, Andreas
Pfeffer, Wilhelm**

Antverpiæ, [1659 erschienen] 1660

S. Francisca Romana. 9. Martij.

urn:nbn:de:hbz:466:1-42032

S. FRANCISCA ROMANA. 9. Martij.

Cælum non terram habitasse FRANCISCAM credo. Ita semper aut cælum cum FRANCISCA aut FRANCISCA in cælo fuit. Ægræ medicus D. Alexius astitit; Assisum pergens itineris comitem ipsum Franciscū habuit. Gabriel modò inferos ei, modò cælos monstravit. Tutelaris quoq; ; cum filio Evangelistā nuper mortuo superveniens Archangelum se esse prodidit; nempe semper deinde aspectabilem habuit, invidiam Soli etiam sereno facturum. Certè ad ejus vultū recitare VIRGINIS officiū (& recitabat à primis annis quotidie) etiam nocte poterat; ipse concussâ solū cæsarie (fulmina prodire videbantur) orci latvas fugabat. Idē cùm perperam aliquid gestū erat, erubescere visus, imo quandoq; subducere se. Semel etiam FRANCISCA quod aurem profanis sermonibus licet invita prebuisset, pugnū impegit, quem quidē (audaces nos!) etiam cùm accersimus pretextata verba, non metuimus. Nam sub ultimos vitæ dies hic nobiliori Angelo locū cessit. Ipsa cæli REGINA sepe sèpius aspectu suo FRANCISCAM recreavit FILIVM QVIS ad amplexus & oscula propinavit. Hic ipse quoties decumbenti assedit, dictisq; animum demulxit, yd mutus solatio futurus? quoties se cibum præbuit? quoties, ut in amantis oculis luderet, in omnes formas se mutavit, & nunc nasci iterum, agere que quæ puer egit, nunc pugnas veteres pugnare mortemq; obire iterum, triumphare iterum visus est? Sed & Agnū iterū induere, & ex lateris fonte illud nectar fundere sicuti voluit, quod omnes olim biberemus, nisi mundi lacunas sitiremus. Ex vitâ.

Solent Angeli astare orantibus & delectari in his quos

quos vident levare puras manus in oratione : holocaustum sancta devotionis gaudent se offerre Deo in odorem suavitatis. S. Bern. hom. 3. super Missus.

S. CODRATVS M. 10. Martij.

Adeste & aures adyertite , qui matrem , qui ubera matris , & sinum clamatis molliculi : suum etiam Superis lac est. Matrem CODRATVS in cunis amisit, neque tamen non molliter est educatus. Et enim nube miraculosâ implicitum Numen fovit , & ambrosiâ scilicet enutritivit delicatum. O pluribus cæli hanc instillate , plures ut CODRATOS habeamus ! Nimirum à cælo lactatus cælum sapuit, cælum spiravit CODRATVS, & cæli amore, et si medicus aliorum prolongaret , suam ipse tamen vitam imò mortem contempserit. Ecce enim verberant crudelem in morem CODRATVM tortores. Aërem , non CODRATVM , verberant. Nunc minas Iason Præfetus, nunc blandirias ingredit & promissa. Surdus est Martyr. Raptatur cum sociis ad supplicii locum. Ad epulum ire sibi vñsi sunt, atque ut scires , quanto gaudio imbuti, cum cantu ivere , & illo , si judices vel Cælitum aures rogasses, longè suavissimo. Iam verò cùm capite sunt truncati , gaudio demum dices exsiliisse. Terra quoque applaudens eo in loco, quem sanguine pinxerunt, fonte reddidit, sed qui Christianorum pro Christo mori volentium non pellet, sed accenderet sitim. Ex Surio.

Si vis habere ministeria Angelorum, fuge consortia seculi, & temptationibus resiste Diaboli. Renunt consolari anima tua in aliis, si vis in Dei memoria delectari. S. Bern. serm. 4. in Ps. Qui habitat.